

34

DE EXOSTOSI, THESES

ANATOMICO-CHIRURGICÆ.

Quas, DEO JUVANTE & præside M. JOANNE-BAPTISTA-LUDOVICO-PETRO DUMONT, Artium Liberalium & Chirurgiæ Magistro, nec non antiquo Scholarum præposito, tueri conabitur, GAÏUS-FELIX ALLAN, Laudunæus, præclaræ Artium Facultatis Magister in Universitate Parisiensi, Theseos Author.

P A R I S I I S,
IN REGIIS CHIRURGORUM SCHOLIS,

*Die Sabbati vigesimâ-primâ Aprilis, à sesqui-secundâ post meridiem ad septimam
A. R. S. H. 1770.*

PRO ACTU PUBLICO
ET MAGISTERII LAUREA.



Typis P. AL. LE PRIEUR, Regii Chirurg. Collegii
Typographi.

M. DCC. LXX.

Hh.

DE EXO 20 21

THESES

ANATOMICO-CHIRURGICA

Consilio Juvenit & pueri M. JOANNE
BAPTISTA LUDOVICO TRO DUMONT
Anatomia liberum & Chirurgia Magistro, nec non
Societate Scholarum puerorum, in hoc consilio, Gaudet
Felix Arian, Lectorum, puerorum, in hoc consilio
Magister in Universitate, Theor. Arian

P A R I S I I S

IN REGIIS CHIRURGICIS SCHOLIS

in hoc consilio puerorum in hoc consilio puerorum


PROACTU PUBLICO

ET MACISTRI L. LAUREA



Typis H. A. le Paris, Regii Chirurg. Collegii
Typographi

M. DCC LXX



D. O. M.

THESES
ANATOMICO-CHIRURGICÆ.

DE EXOSTOSI.

I.

OSSA quæ stabilitatem & formam corpori præbent, in primâ origine mollia sunt atque gelatinosa. Partes gelatinosæ inter se cohærent, concreſcunt: cartilaginem aut membranam æmulantur vasis sanguiferis perviam: duritiem ac rigiditatem magis ac magis obtinent, & temperamentum osseum propius attingunt. E centro cartilaginis vel membranæ, emergunt fibræ ab invicem distantes, obliquè aut transversim excurrentes ad ipsas usque extremitates ossium; lamellas, cavernulas, cavitatesque efficientes. Ad ossium accretionem, soliditatem, ac duritiem plures fibræ unitæ sive strata sibi invicem accumbentia conferunt. Fit incrementum, & sic ossa ultimum perfectionis gradum acquirunt.

A ij

I I.

E VARIA fibrarum ordinatione triplex in plerisque ossibus oritur substantia poris & ductibus pertusa. Una exterior, compacta dicitur, pluribus fibrarum stratis arctius inter se connexis efformata, in *diaphysi* ossium longorum impensius collecta, extremitatibus verò parcius decrescens: altera interior, rara, spongiosa, cellulosa, lamellas offert irregulari ordine secedentes à compactâ substantiâ; innumeras constituit cellulas inter se communicantes, finibus ossium longorum majores & numerosiores; tenui membranâ investitæ succo medullari imbuuntur. Tertia rarior reticularis audit, filamentis tenuibus axim ossium cavorum transversim secantibus, aut in longum ductis, conflatur.

I I I.

Ossibus immediatè super expanditur & adhæret membrana quam *PERIOSTEUM* vocant Anatomici; ex laminis minutissimis mirè contexta, quarum aliæ super alias sternuntur; vasis sanguiferis ac nervis prædita, quæ in ossium cavum penetrant. *PERIOSTEUM* nullo sensu gaudens, nisi in eâ parte ubi nervi trajiciunt, integumentum ossium constituit. Alterum *PERIOSTEUM* in internâ ossium superficie demonstratur. Membrana est tenerrima, sensibilis, per cancellos eorum dispersa, cavum majorum ossium investiens; telam aranæ adæquans vasis rubris irroratur; in vesiculis quas efformat reconditur oleum medullare quod in cellulosa ossium parte diffluit & in eorum cavo massam duram refert; omnia laminarum ossearum intervalla, fibrarum interstitia & ipsam superficiem pervadit. A sanguine, vel per fines arteriarum vel per earum poros, oleum illud medullare secernitur.

I V.

Ex Anatomia patet ossa, ut partes molles, pluribus vasis irrigari quæ & per ipsam substantiam & in illorum cava humores deducunt. Non mirum igitur mala partibus mollibus communia, ossibus evenire. Inter morbos qui illorum con-

5

tinuitatem lædunt, tumores recensentur variis nominibus insigniti, *EXOSTOSIS* scilicet, *Pædarthrocæ*, & *spina ven-rosa*. De *EXOSTOSI* tantum differere fert animus.

V.

TUMOR præternaturalis osseâ substantiâ enatus, partem ossis occupans, dicitur *Exostosis*. Hæc excrefcentia variam formam exhibens, versùs interiora, vel exteriora prominens, modò doloris expers, modò particeps, duritie ac mole admodum discrepat. *Spuriam* & *legitimam* admittunt authores.

V I.

Exostosis spuria, sub durâ, digito prementi plus minusve cedens, periosteo spissato conflatur: absque ullâ ossis labe observata, ità tamen ipsi adhæret ut unâ coalescere videatur. Periosteum occalescens pro duritie discrimine ab authoribus *tophus*, *nodus* perperam dicitur; hæc enim tubercula ad hyperostoses artriticas pertinere valent. Venereo morbo Periosteum *schyroideum* crebrius intumescit, dolores acutissimi superveniunt, noctuque augent: si tumor incidatur, humor plerumque flavus, *gummi* instar spissus, è vulnere prorumpit.

V I I.

UT *Exostosis spuria* curetur, diligenter perpende causas. Aliquando, exhaustâ vitiorum labe, funditus sanatur. Si tamen, viriis debellatis, non evanescat, tunc variâ operatione, pro re natâ, eximendam censemus, vulnus deligandum & ad cicatricem perducendum.

V I I I.

Exostosis legitima duplex occurrit: alia solida, *eburnea*, reliquo osse candidior, nullis cavernulis instructa, dolorum ac cariei immunis, maxima duritie, substantiam quasi *eburneam* mutuassee videtur. Altera verò *osseo-spongiosa*, doloris inexpers, reredine ut plurimum stipata, concamerationem efformat, sub quâ spelunculæ permultæ, materiâ pessimæ indolis &

substantiâ cartilaginis interdum, aut carnis æmulâ, plenæ delitefcunt (a).

I X.

Hæc Exostofium genera in benignas & malignas dividuntur: *benignæ* à caufis externis sæpe sæpius oriundæ, nullis ftipantur accidentibus, nihilque molefti afferunt, dummodò functiones & organa neutiquâm lædant: hæc in claffe referuntur *eburnæ*. Si à caufis internis ortum duxerint, fi quid cariei, fungofitatis, aut variæ luis lateat, *malignæ* reputantur: hæc fymptomata in *offeo-fpongiefis* præcipuè exiftunt. Non à naturâ tantum, à fede etiam differunt Exoftofes; in lue venereâ laborantibus, fatis frequenter in capite, uti etiam in partibus offium cute proximis obfervantur.

X.

Exostofium caufæ funt externæ vel internæ: hæc frequentiores, ex pravâ humorum *diathefi* & à quibusdam vitiis, nempe *strumofò*, *cancrofo*, quandoque *fcorbutico*, maximè *venereo*, &c. oriuntur. Caufis externis, icftu putâ, lapfu, fracturâ, &c. Exostofes efformari iteratâ obfervatione comprobatum eft. Exoftofis cavernofæ à caufâ externâ memorabile fuppeditat exemplum nunquam fatis laudandus Illuft. Petit (b). His ex caufis nafcitur ifte morbus quoties cumque offium vafa obftuuntur: tunc liquores in illorum cavitatibus ftagnantes offium fubftantiam diffendunt: vafis diffenfis; fluida fenfim affluentia, vel inter lamellarum interftiria excurrunt, vel extrâ os aut in canali offium vafis difruptis effunduntur (c). Si fuccus vafis emiffus, offium cellulas laminarum ftrias diffendens, genuinâ fit indolis, Exoftofis

(a) Morgagni ferrâ difsecuit extuberantiam in offe finiftri femoris, fphæroidis formâ, fed pomî medioeris magnitudine. Eam ex offeis cellulis constantem vidit, medullari oleo liquido & flavo scatentibus; offis autem cavum quod illi Exoftofi refpondebat, majori copiâ referum olei ejufdem modi. *De fedibus morb. Ep. 50.*

Vid. etiam in act. Reg. Scient. Acad. anno 1706. Differtationem à Clar. Merry, cui titulus, *Description d'une Exoftofe monftrueufe*, pag. 245. Confule etiam Obferv. Clar. Houftet in Act. Reg. Chirurg. Acad. Tom. III, pag. 137.

(b) *Trait. des Maladies des Os, Tom. II, pag. 389.*

(c) Confule quæ communicavit DD. Hœuftet, loco citat. p. 130.

erit *benigna* ; Si sit *pravus* , in *rodentem* vertitur *saniem* quæ *maximam* *mollitiem* , *fragilitatem* *conciliat* ; *carcinoma* *alia-*
ve *teterrima* *accidentia* *parit* , & tunc *maligna* *dicitur*.

X I.

U T magis innotescant signa Exostosium diagnostica , humo-
 rum *diathesis* sedulò perpendenda. Venereæ à benignis
 scorbuticis , strumosis , &c. signis peculiaribus facilè distin-
 guuntur. Si luis venereæ sit proles Exostosis , cruciatibus
 plerumque torquentur ægroti ; diris symptomatibus , can-
 crosis nempe pudendorum ulcusculis , gonorrhœâ , &c. laborant
 vel saltèm , laborarunt. Scorbutica est , sed minùs frequenter ,
 cum ingurgitantur lividæ sanguinem aut saniem mittentes gin-
 givæ , crebrò spuenti fœtet halitus , & maculæ purpureæ per
 cutim dispersæ non deficiunt , &c. qui tumoribus glandularum
 in collo , inguine & sub axillis ab ineunte ætate confictatus est ,
 & cui , etiam nùm ætate provectiore , in diversis corporis parti-
 bus glandulæ conglobatæ sub inde turgent atque indurefcunt ,
 is strumosâ affligitur Exostosi. Ex aliis sobolescit cancrofa ,
 &c.

Ab Exostosis essentiâ , situ , volumine , complicationis &
 exitûs naturâ , faustus vel non , præfagiendus est eventus.

X I I.

Quod ad benignas spectat Exostoses quas solâ vi , aut quâ-
 piam externâ percussione sæpiùs produci diximus ; nullis fere
 unquam medicamentis profligari docent experimenta ; quâ-
 propter , ex iis si nihil incommodi superveniat , intactas
 relinquendas esse sentiunt practici. Si verò mole aut situ
 musculorum , aut vasorum actionem magnoperè afficiant , undè
 molestia & dolor , Operatione Chirurgicâ sic eradicandæ. Te-
 gumentis Exostosi incumbentibus cautè decussatim incis ,
 vulnus , quodad sit omnino directus tumor , ampliatur ; tunc
 abrafo Periosteo , aridis deligeretur linamentis ; die postero mul-
 tiplicibus in locis trepano perforante terebretur ossis super-
 ficies ; postea malleolo plumbeo & cuneo perforata pars
 sedulò detrudatur & auferatur ; quod superest eminens , scal-

pro deradendum. Operatione peractâ, quid sit agendum;
& quo pacto ad exfoliationem perducendum infra patebit.

X I I I.

CAVERNOSAS aut *osseo-spongiosas* Exostoses, quamvis à
causis externis rariùs procedant, medicaminibus quidem ef-
ficacissimis plurimùm non cedere, expedit quoque notari.
Has si funditùs evertere absolūtè sit necessarium; scalpro
excisorio solerti manu auferantur. Si autem pravæ sint in-
dolis, quales, v. g. venereæ; ad specifica remedia priùs
confugiendum. Observatis quippè constat hujusce modi
tumores mercurialium usu sæpe sæpiùs sensim decessisse;
attamen non nunquàm evenit, lues venereâ radicitus pro-
fligatâ, superstites relictos fuisse si longâ vetustate nimium
indurati sint, undè *syphilidis* nova scaturigo si non omni-
nò, in sede tumoris, lues evanuerit; hinc tumoris cura-
tionem, topicis mercurialibus plerùmque non irritò conatu,
suscipiunt Chirurgi.

X I V.

U B I verò cavernosæ aut solidæ Exostoses venereæ,
nec internis medicamentis, nec hydrargirosi, cedunt: si
spontè aut remediorum usu nimium vexatæ acutè doleant,
adsitque superjectæ cutis calor & manifestus rubor, urget
periculum, abcessus aut, quod pessimum est, carcinoma
imminet; tunc unica super est operatio, de quâ, cum de
benignis agebatur, monuimus. Cute excisâ, raso Perios-
teo, ad moto trepano perforante, ablatâ totâ ossis morbosâ
protuberantiâ, mediâ quæ cariei fugandæ competunt, feli-
genda sunt; inter quæ *myrrhæ*, *aloes tincturas* aut *pulveres*;
oleum cariophyllorum, *ligni guaiaci*, &c. cum *spiritu vini* sua-
dent quidam; alii ad exfoliationem citiùs promovendam,
ferrum candens pluris faciunt. Demùm exfoliatione perfectâ
curationem, ut artis est, Chirurgus perficiet.

F I N I S.